



O'ZBEKISTON RESPUBLIKASI  
ADLIYA VAZIRLIGIDA  
DAVLAT RO'YXATIDAN O'TKAZILDI  
RO'YXAT RAQAMI: 3774  
2026 - yil 13 - Fevral

O'ZBEKISTON RESPUBLIKASI PREZIDENTI ADMINISTRATSIYASI  
HUZURIDAGI TA'LIM SIFATINI TA'MINLASH MILLIY AGENTLIGI  
DIREKTORINING  
BUYRUG'I

**O'zbekiston Respublikasida tan olinadigan xalqaro, xorijiy va  
nodavlat akkreditatsiya tashkilotlari reyestrini yuritish hamda  
ularning ta'lim dasturlarini akkreditatsiyadan o'tkazish bo'yicha  
faoliyatini monitoring qilish tartibi to'g'risidagi nizomni  
tasdiqlash haqida**

O'zbekiston Respublikasi Prezidentining 2025-yil 5-maydagi PF-76-son "Ta'lim sifatini ta'minlash va ta'lim xizmatlari ko'rsatish tizimini takomillashtirish bo'yicha qo'shimcha chora-tadbirlar to'g'risida"gi Farmoni hamda Vazirlar Mahkamasining 2025-yil 6-avgustdagi 498-son "O'rta maxsus, kasbiy, oliy va oliy ta'limdan keyingi ta'lim, shuningdek, kadrlarni qayta tayyorlash va ularning malakasini oshirish tashkilotlarini kompleks hamda maxsus davlat akkreditatsiyasidan o'tkazish tizimini joriy etish to'g'risida"gi qaroriga muvofiq **buyuraman:**

1. O'zbekiston Respublikasida tan olinadigan xalqaro, xorijiy va nodavlat akkreditatsiya tashkilotlari reyestrini yuritish hamda ularning ta'lim dasturlarini akkreditatsiyadan o'tkazish bo'yicha faoliyatini monitoring qilish tartibi to'g'risidagi nizom ilovaga muvofiq tasdiqlansin.
2. Mazkur buyruq O'zbekiston Respublikasi Oliy ta'lim, fan va innovatsiyalar vazirligi bilan kelishilgan.
3. Ushbu buyruq rasmiy e'lon qilingan kundan e'tiboran kuchga kiradi.

Direktor  
2026-yil 27-yanvar  
9-son



YULDASHEV BAXTIYOR  
GAYRADJONOVICH

Kelishildi:

Vazir  
2026-yil 12-yanvar



SHARIPOV KONGRATBAY  
AVEZIMBETOVICH

O'zbekiston Respublikasi Prezidenti Administratsiyasi  
huzuridagi Ta'lim sifatini ta'minlash milliy agentligi  
direktorining 2026-yil 27-yanvardagi 9-son buyrug'iga  
ILOVA

**O'zbekiston Respublikasida tan olinadigan xalqaro, xorijiy va  
nodavlat akkreditatsiya tashkilotlari reyestrini yuritish hamda  
ularning ta'lim dasturlarini akkreditatsiyadan o'tkazish bo'yicha  
faoliyatini monitoring qilish tartibi to'g'risidagi  
NIZOM**

Mazkur Nizom O'zbekiston Respublikasi Prezidenti Administratsiyasi huzuridagi Ta'lim sifatini ta'minlash milliy agentligi (bundan buyon matnda Agentlik deb yuritiladi) tomonidan O'zbekiston Respublikasida tan olinadigan xalqaro, xorijiy va nodavlat akkreditatsiya tashkilotlarining [reyestrini yuritish](#) hamda ularning ta'lim dasturlarini akkreditatsiyadan o'tkazish bo'yicha faoliyatini monitoring qilish tartibini belgilaydi.

**1-bob. Umumiy qoidalar**

1. O'zbekiston Respublikasida tan olinadigan xalqaro, xorijiy va nodavlat akkreditatsiya tashkilotlarining reyestri (bundan buyon matnda reyestr deb yuritiladi) xalqaro, xorijiy va nodavlat akkreditatsiya tashkilotlarining Agentlik tomonidan yuritiladigan ro'yxati hamda ular haqida ma'lumotlardan iborat yagona ma'lumotlar banki hisoblanadi.

2. Xalqaro, xorijiy va nodavlat akkreditatsiya tashkilotlarini (bundan buyon matnda akkreditatsiya tashkilotlari deb yuritiladi) reyestriga kiritish Akkreditatsiya tashkilotlari reyestrini yuritish komissiyasining (bundan buyon matnda Komissiya deb yuritiladi) qaroriga asosan amalga oshiriladi.

3. Ta'lim tashkilotlarini kompleks davlat akkreditatsiyasidan o'tkazish davrida reyestrda kiritilgan akkreditatsiya tashkilotlari tomonidan akkreditatsiyadan o'tkazilgan ta'lim dasturlari O'zbekiston Respublikasi Vazirlar Mahkamasining 2025-yil 6-avgustdagi 498-son "O'rta maxsus, kasbiy, oliy va oliy ta'limdan keyingi ta'lim, shuningdek, kadrlarni qayta tayyorlash va ularning malakasini oshirish tashkilotlarini kompleks hamda maxsus davlat akkreditatsiyasidan o'tkazish tizimini joriy etish to'g'risida"gi [qarorida](#) belgilangan mezonlar bo'yicha ijobiy baholangan deb hisoblanadi.

## **2-bob. Akkreditatsiya tashkilotlarini reyestrda kiritish shartlari va ariza berish tartibi**

4. Akkreditatsiya tashkilotlarini reyestrda kiritish [shartlari](#) quyidagilardan iborat:

akkreditatsiya tashkiloti sifatida faoliyat yuritishi uchun tegishli vakolat (hujjat)ga [ega bo'lishi](#);

akkreditatsiya tashkilotining xalqaro akkreditatsiyadan o'tkazish talablari, baholash mezonlari va o'tkazish tartiblari O'zbekiston Respublikasining davlat akkreditatsiyasidan o'tkazish talablari, baholash mezonlari va o'tkazish tartiblariga [zid bo'lmasligi](#);

ta'lim sifatini ta'minlash tarmoqlarining to'la huquqli [a'zosi bo'lishi](#) (nufuzli xalqaro ta'lim sifatini ta'minlash assotsiatsiyalaridan kamida bittasiga a'zo bo'lishi);

nufuzli xalqaro reytinglarning TOP-300 talik ro'yxatida bo'lgan kamida 5 ta oliy ta'lim tashkilotining ta'lim dasturlarini xalqaro akkreditatsiyadan [o'tkazgan bo'lishi](#);

umumiy ekspertlarining kamida 30 foizi xorijiy [ekspert bo'lishi](#) (xalqaro va xorijiy akkreditatsiya tashkilotlari uchun);

akkreditatsiya tashkiloti O'zbekiston Respublikasining huquqiy va ma'naviy asoslariga mutanosib bo'lishi, milliy qadriyatlar va ijtimoiy-siyosiy hayotiga [qarshi bo'lmasligi](#);

o'zining rasmiy veb-saytida xalqaro akkreditatsiyadan o'tkazgan ta'lim tashkilotlari to'g'risida [ma'lumotlarning mavjudligi](#).

5. Akkreditatsiya tashkilotini reyestrغا kiritish mazkur akkreditatsiya tashkilotining yozma yoki elektron shakldagi arizasi asosida amalga oshiriladi.

Reyestrغا kiritish shartlariga to'liq mos keladigan xalqaro akkreditatsiya tashkiloti Agentlik tashabbusi asosida reyestrغا kiritilishi mumkin.

6. Akkreditatsiya tashkilotini reyestrغا kiritish bo'yicha arizaga quyidagilar ilova qilinishi lozim:

akkreditatsiya tashkilotining ta'sis hujjatlari nusxalari (xalqaro va xorijiy akkreditatsiya tashkilotlari uchun);

xorijiy akkreditatsiya tashkiloti uchun u joylashgan xorijiy davlatning vakolatli organi yoki xalqaro tashkilotlar tomonidan tan olinganligini (faoliyat yuritishga ruxsat berilganligi) tasdiqlovchi hujjatlar

akkreditatsiyadan o'tkazish talablari, baholash mezonlari va o'tkazish tartiblari, shu jumladan akkreditatsiya standartlari va metodologiyasi;

nufuzli xalqaro reytinglarning TOP-300 talik ro'yxatida bo'lgan kamida 3 ta oliy ta'lim tashkilotining ta'lim dasturlarini xalqaro akkreditatsiyadan o'tkazganligi bo'yicha hisobotlar.

7. Akkreditatsiya tashkilotini reyestrغا kiritish bo'yicha ariza va unga ilova qilingan hujjatlar Agentlik tomonidan ariza kelib tushgan kundan boshlab besh ish kuni ichida ko'rib chiqiladi.

Agentlik akkreditatsiya tashkilotini reyestrغا kiritish bo'yicha taqdim etilgan hujjatlarning to'liqligini ko'rib chiqib, xato va kamchiliklar aniqlanmagan hollarda ariza va unga ilova qilingan hujjatlarni o'rganib chiqish uchun Komissiyaga taqdim etadi hamda bir ish kuni ichida bu haqida akkreditatsiya tashkilotini xabardor qiladi.

Akkreditatsiya tashkilotini reyestrغا kiritish bo'yicha taqdim etilgan hujjatlarda xato va kamchiliklar aniqlanganda, Agentlik o'n ish kunidan kam bo'lmagan muddatda aniqlangan xato va kamchiliklarni bartaraf etish hamda yetishmayotgan hujjatlarni taqdim etish uchun bir ish kuni ichida akkreditatsiya tashkilotini xabardor qiladi.

Bunda, arizani ko'rib chiqish muddati mazkur bandning uchinchi xatboshisida belgilangan muddat mobaynida to'xtatib turiladi.

8. Akkreditatsiya tashkiloti tomonidan mazkur Nizomning 7-bandi uchinchi xatboshisida belgilangan muddat mobaynida xato va kamchiliklarni bartaraf

etilmagan yoki yetishmayotgan hujjatlar taqdim etilmagan hollarda arizani ko'rib chiqish rad etiladi hamda bir ish kuni ichida bu haqida akkreditatsiya tashkiloti xabardor qilinadi.

### **3-bob. Komissiyaning faoliyatini tashkil etish va akkreditatsiya tashkilotlarini reyestrda kiritish tartibi**

9. Komissiya tarkibi rais, Komissiya a'zolari va mas'ul kotibdan iborat 5 nafardan kam bo'lmagan toq sonda Agentlik direktorining buyrug'i asosida shakllantiriladi.

Komissiya tarkibiga jamoatchilik asosida tashqi ekspertlar jalb etilishi mumkin.

10. Komissiyaga Agentlik direktorining o'rinbosari raislik qiladi.

Komissiya raisi Komissiya faoliyatini mustaqillik, xolislik, tenglik va dalillarga asoslanganlik tamoyillari asosida tashkil etilishini ta'minlaydi.

11. Manfaatlarga to'qnashuvi yoki akkreditatsiya tashkiloti bilan ziddiyatlar mavjudligi aniqlanganda yoxud Komissiya a'zosining xolisligiga shubha tug'ilganda mazkur Komissiya a'zosi Komissiya tarkibidan chiqariladi.

12. Komissiya yig'ilishlarida Komissiya a'zolarining kamida uchdan ikki qismi ishtirok etgan taqdirda, Komissiya qaror qabul qilish uchun vakolatli (kvorumga ega) hisoblanadi.

13. Komissiya tomonidan akkreditatsiya tashkilotining mazkur Nizomning 4-bandida nazarda tutilgan shartlarga muvofiqligi o'rganib chiqiladi.

14. Akkreditatsiya tashkilotini reyestrda kiritish yoki kiritishni rad etish to'g'risidagi Komissiya qarori (bundan buyon matnda Komissiya qarori deb yuritiladi) Komissiya a'zolarining uchdan ikki qismidan iborat ko'pchilik ovozi bilan qabul qilinadi.

Ovozlar soni teng bo'lib qolgan taqdirda, Komissiya raisining ovozi hal qiluvchi hisoblanadi.

15. Komissiya qarori bayonnoma shaklida rasmiylashtiriladi hamda Komissiya raisi tomonidan imzolanadi.

16. Komissiya qarori ariza va unga ilova qilingan hujjatlar Komissiyaga kelib tushgan kundan boshlab o'ttiz kun ichida qabul qilinadi.

17. Reyestrda kiritilgan akkreditatsiya tashkilotiga Komissiya qarori qabul qilingan kundan boshlab uch ish kuni ichida ushbu Nizomning ilovasiga muvofiq Akkreditatsiya tashkilotining O'zbekiston Respublikasida tan olinadigan xalqaro, xorijiy va nodavlat akkreditatsiya tashkilotlari reyestrda kiritilganligi to'g'risidagi guvohnoma (bundan buyon matnda guvohnoma deb yuritiladi) beriladi.

Akkreditatsiya tashkilotiga guvohnoma berilganligi Agentlikning rasmiy veb-saytida e'lon qilinadi.

Akkreditatsiya tashkilotiga berilgan guvohnomaning amal qilish muddati [besh yil](#) hisoblanadi.

18. Quyidagi hollarda akkreditatsiya tashkilotini reyestrda kiritish rad etiladi: taqdim etilgan hujjatlarda noto'g'ri yoki buzib ko'rsatilgan ma'lumotlar mavjudligi aniqlansa;

akkreditatsiya tashkiloti sifatida faoliyat yuritishi uchun tegishli vakolat (hujjat)ga ega bo'lmasa;

ta'lim to'g'risidagi [qonunchilik hujjatlarida](#) belgilangan talablarga muvofiq bo'lmasa.

19. Agentlik tomonidan akkreditatsiya tashkilotini reyestrda kiritish rad etilgan taqdirda, bu haqida Komissiya qarori qabul qilingan kundan boshlab bir ish kuni ichida akkreditatsiya tashkilotini xabardor qiladi.

20. Arizani ko'rib chiqish, akkreditatsiya tashkilotini reyestrda kiritish va guvohnoma berish uchun yig'im undirilmaydi.

**4-bob. Ta'lim dasturlarini akkreditatsiyadan o'tkazish bo'yicha akkreditatsiya tashkilotlarining faoliyatini monitoring qilish va ularni reyestrda chiqarish**

21. Agentlik reyestriga kiritilgan akkreditatsiya tashkilotlarining ta'lim dasturlarini akkreditatsiyadan o'tkazish bo'yicha faoliyatini har uch yilda bir marotaba monitoringdan o'tkazadi.

22. Monitoring doirasida quyidagilar amalga oshirilishi mumkin:

manfaatdor tomonlardan (ta'lim tashkilotlari, ish beruvchilar, ta'lim oluvchilar va boshqalar) Agentlikka kelib tushayotgan yoki Internet jahon axborot tarmog'ida keng muhokamaga sabab bo'lgan ariza va shikoyatlarni o'rganish;

akkreditatsiya tashkiloti tomonidan belgilangan akkreditatsiyadan o'tkazish talablari, baholash mezonlari va o'tkazish tartiblari, shu jumladan akkreditatsiya standartlari va metodologiyasi asosida akkreditatsiya faoliyati amalga oshirilayotganligini tahlil qilish.

Monitoring o'tkazish muddati bir oydan oshmasligi lozim.

23. Monitoring natijasida akkreditatsiya tashkiloti faoliyatida kamchiliklar aniqlangan hollarda akkreditatsiya tashkilotiga ushbu kamchiliklarni bartaraf etish bo'yicha xabarnoma yuboriladi, bundan mazkur Nizomning 24-bandida nazarda tutilgan hollar mustasno.

Xabarnomada akkreditatsiya tashkiloti faoliyatida aniqlangan kamchiliklarni bartaraf etish yuzasidan Agentlikning tavsiyalari bayon etilishi mumkin.

Akkreditatsiya tashkiloti o'z faoliyatida aniqlangan kamchiliklarni Agentlik tomonidan belgilagan muddatda bartaraf etishi hamda bu haqida Agentlikni xabardor qilishi lozim. Bunda, kamchiliklarni bartaraf etish muddati bir oydan kam bo'lmasligi kerak.

Mazkur bandning uchinchi xatboshisida belgilangan muddatda akkreditatsiya tashkiloti tomonidan kamchiliklar bartaraf etilmagan hollarda Agentlik monitoring natijalari bo'yicha ma'lumotnomani asoslantiruvchi hujjatlar bilan birga Komissiyaga taqdim etadi hamda bir ish kuni ichida bu haqida akkreditatsiya tashkilotini xabardor qiladi.

24. Monitoring natijasi bo'yicha ushbu Nizomning 26-bandi to'rtinchi-oltinchi xatboshilarida nazarda tutilgan holatlar aniqlanganda Agentlik monitoring natijalari bo'yicha ma'lumotnomani asoslantiruvchi hujjatlar bilan birga Komissiyaga taqdim etadi hamda bir ish kuni ichida bu haqida akkreditatsiya tashkilotini xabardor qiladi.

25. Akkreditatsiya tashkilotini reyestrda chiqarish to'g'risidagi masalani Komissiya tomonidan ko'rib chiqishda Komissiya yig'ilishi o'tkazilishidan kamida bir hafta oldin Komissiya yig'ilishining joyi, sanasi va vaqti to'g'risida akkreditatsiya tashkiloti xabardor qilinadi. Bunda, akkreditatsiya tashkilotining vakili Komissiya yig'ilishida ishtirok etib, o'zining fikr-mulohazalari va e'tirozlarini bildirishga haqli.

26. Quyidagilar akkreditatsiya tashkilotini reyestrda chiqarish to'g'risidagi Komissiyaning qarorini qabul qilish uchun asos hisoblanadi:

akkreditatsiya tashkiloti tugatilganda;

akkreditatsiya tashkiloti ixtiyoriy ravishda reyestrda chiqarish to'g'risida ariza bilan murojaat qilganda;

ta'lim tashkilotlarini akkreditatsiyadan o'tkazish bo'yicha qarorlarni qabul qilishda korrupsiya yoki boshqa noqonuniy xatti-harakatlar yuz berganligi aniqlanganda;

akkreditatsiya tashkilotining tashqi baholash bo'yicha hisoboti noto'g'ri yoki qalbaki hujjatlar asosida shakllantirilganligi aniqlanganda;

akkreditatsiya tashkilotlari ta'lim tashkilotlarini ta'lim to'g'risidagi [qonunchilik hujjatlari](#) hamda ushbu Nizomda belgilangan talablarga zid ravishda akkreditatsiyadan o'tkazayotganligi tasdiqlanganda;

akkreditatsiya tashkilotini monitoring qilish natijasida aniqlangan kamchiliklar akkreditatsiya tashkiloti tomonidan mazkur Nizomning 23-bandi uchinchi xatboshisida belgilangan muddatda bartaraf etilmagan taqdirda.

Akkreditatsiya tashkilotini reyestrda chiqarish to'g'risidagi qaror mazkur qaror qabul qilingan kunning o'zida Agentlikning rasmiy veb-saytda e'lon qilinadi.

## **5-bob. Reyestrda kiritilgan akkreditatsiya tashkilotining huquqlari va majburiyatlari**

27. Reyestrda kiritilgan akkreditatsiya tashkiloti quyidagi huquqlarga ega: akkreditatsiya o'tkazish tartib-taomillari to'g'risida Agentlikdan tavsiyalar olish;

ta'lim dasturlarini shartnoma asosida akkreditatsiyadan o'tkazish;

akkreditatsiyadan o'tkazish talablari, baholash mezonlari va o'tkazish tartiblari, shu jumladan akkreditatsiya standartlari va metodologiyasini [ta'lim](#) to'g'risidagi [qonunchilikka](#) zid bo'lmagan holda mustaqil ishlab chiqish va takomillashtirish.

Akkreditatsiya tashkiloti qonunchilikka muvofiq boshqa huquqlarga ham ega bo'lishi mumkin.

28. Reyestrda kiritilgan akkreditatsiya tashkiloti quyidagilarni bajarishi lozim:

[ta'lim](#) to'g'risidagi [qonunchilik](#) va ushbu Nizomda belgilangan talablarga zid bo'lmagan tarzda akkreditatsiya faoliyatini olib borish;

akkreditatsiya jarayonlarini qonuniy, xolis va manfaatlar to'qnashuviga yo'l qo'ymagan holda amalga oshirish;

akkreditatsiyadan o'tkazish talablari, baholash mezonlari va o'tkazish tartiblari, shu jumladan akkreditatsiya standartlari va metodologiyasini o'zining rasmiy veb-saytida e'lon qilish;

akkreditatsiya faoliyatida olingan maxfiy axborotni oshkor etmaslik;

akkreditatsiya qarorlarini asoslantirgan holda tizimli ravishda hujjatlashtirish;

akkreditatsiya hisoboti va akkreditatsiya qarorining bir nusxasini akkreditatsiya jarayonlari yakunlangandan so'ng [ikki hafta](#) muddatda Agentlikka taqdim etish.

Akkreditatsiya tashkiloti qonunchilik hujjatlariga muvofiq boshqa majburiyatlarga ham ega bo'lishi mumkin.

## **6-bob. Yakuniy qoida**

29. Ushbu Nizom talablarining buzilishida aybdor bo'lgan shaxslar qonunchilik hujjatlarida belgilangan tartibda javobgar bo'ladilar.

O‘zbekiston Respublikasida tan olinadigan  
xalqaro, xorijiy va nodavlat akkreditatsiya  
tashkilotlari reyestrini yuritish hamda ularning  
ta’lim dasturlarini akkreditatsiyadan o‘tkazish  
bo‘yicha faoliyatini monitoring qilish tartibi  
to‘g‘risidagi nizomga  
ILOVA



**O‘ZBEKISTON RESPUBLIKASI PREZIDENTI ADMINISTRATSIYASI HUZURIDAGI  
TA’LIM SIFATINI TA’MINLASH MILLIY AGENTLIGI**

**Akkreditatsiya tashkilotining O‘zbekiston Respublikasida tan olinadigan xalqaro, xorijiy  
va nodavlat akkreditatsiya tashkilotlari reyestriga kiritilganligi to‘g‘risidagi  
GUVOHNOMASI**

“ \_\_\_\_\_ ” \_\_\_\_\_ 20\_\_-y. \_\_\_\_\_-son

Ushbu guvohnoma \_\_\_\_\_  
(akkreditatsiya tashkiloti nomi)

\_\_\_\_\_ ni O‘zbekiston  
Respublikasida tan olinadigan xalqaro, xorijiy va nodavlat akkreditatsiya tashkilotlari reyestriga  
kiritilganligi hamda O‘zbekiston Respublikasida faoliyat yuritayotgan ta’lim tashkilotlarining ta’lim  
dasturlarini akkreditatsiyadan o‘tkazishga ruxsat berilganligini tasdiqlaydi.

**Amal qilish muddati:** “ \_\_\_\_\_ ”- \_\_\_\_\_ 20\_\_-y.

**Direktor**

\_\_\_\_\_  
(elektron raqamli imzo)

\_\_\_\_\_  
(F.I.O.)

QR kod